



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

18933

18934

18935

Վ. Կապույտ

1. Թոփալ: - արտեր 1890

2. Ե. Գրեզիտ

Արգիս Բիշիտ - Բիշիտ 1905

3. Վ. Կապույտ


Ասանցիտ Օհու

Արսիս - 1892

ախ 7.3

891.99

Պ-31



Handwritten text at the top of the page, possibly a title or reference number.

№ 1

Վ. ՓԱՓԱԶԵԱՆԵՑ.

891-99

Ժ-31

ԿԻ

Ք Օ Փ Ա Լ

Տ Փ Ի Ի Ս

1890

891.99

Կ-31
ԿՌ

Կատարել



Թ Օ Փ Ա Լ

(ԹԻՒՐ.ՔԱՀԱՅԵՐԻ ԿԵԱՆ.ՔԻՑ)

12003

Թ Ի Ֆ Լ Ի Ս

ՏՊԱՐԱՆ «ԱՐՐՈՒ Տ. ՆԱԶԱՐԵԱՆՈ»
Կոտայի մարզի, հ. Սարգսյանի փող. առկինք:

4387

11000

Дозволено цензурою Тифлисы, 1890 г. 7-го октября.
Тип. „Ароръ“. Т. Я. Назарьяна, уг. Гол. пр. и Ваят. ул.



3709-48

2003

Թ Օ Փ Ա Լ

(ԹԻԽՐ.ՔԱՀԱՅԵՐԻ ԿԵԱՆ.ՔԻՑ)

Ա.

Վեց տարի կրչինի, որ Վանը զրկուել է վկայական ունեցող փաստաբաններից. առաջ էլ այդ քաղաքում միայն մի փաստաբան կար, բայց որովհետև ինքը մենակ էր, որ օրէնքով էր խօսում, ուստի և Վանի մեծամեծ էֆէնդիները նրան ուղարկեցին ընդ միշտ Կ. Պօլիս զործադրել տալու այդ օրէնքները: Վան և օրէնք, երկու մարմիններ են, որոնք ըստ տաճկական քիմիականութեան, իրար հետ երբէք չեն կարող հաշտ ապրել:

Վեց տարի է ուրեմն, որ Վանը այլ ևս մի վկայական ունեցող փաստաբան չունի, դրա փոխարէն ունի մի զաս անվկայական կաղ, կոյր, և երբեմն իսկ թոթովախօս իրաւաբաններ,

որոնց կարելի է ամեն տեղ հանդիպել-պատերի տակ, խանութներում, այգիների մէջ, գինե-տներում և սրճարաններում:

Իրանցից, ի հարկէ ոչ մէկն էլ Վ. Պօլսի իրաւաբանական դպրոցի երեսը չի տեսել, շատ անգամ իսկ տաճկերէն լաւ խօսել և կարդալ չըզիտէ: Ոմանք իրաւաբանական բառերի բառարան են, մի քանիսները փաստաբանութիւն են անում, որովհետեւ լաւ ծանօթ են էազանե-րի,¹ կադիների² և միւֆէտօիշչների³ հետ, ուրիշները իրենք տարիներով դատի տակ ընկած լինելով, սովորել են գործնականապէս և վերջապէս միւսները ստանում են օրինաց նոր դուրս եկած կտորները, կարդումեն և որովհետեւ պարսպ են, այնքան քարշ են զալիս դատարաններում, այնքան լսում են դատեր, որ մի քանի տարիից յետոյ իրաւունք են համարում փաստաբանութեան ձեռնարկելու:

Թօփալը⁴ այդ բոլոր յատկութիւններն էլ ունէր. նախ, նրան ծանօթ էին բոլոր էազանե-

1 Դատաստանական անգամներ. 2 Դատարար 3 Քրե-նիչներ 4 Այդ:

րը, կադիները և միւֆտիները. նրանց հետ նա ծանօթացել էր զանազան միջոցներով. հեռու-ից դիտել նրանց, ուսումնասիրել էր այդ պաշտօնեաների թոյլ կողմերը (թոյլ դամարը), յետոյ սկսել էր ոմանց առջև ստրկի հնազանդու-թիւն և խոնարհութիւն ցոյց տալ, մի քանի-սին ձրի ծառայութիւններ և փբուած անկաններ էր շուրջել երեսներին և կամ այնպիսիների մօտ, որոնք իւր խօսքերը անպատճառ կըհասցնէին տեղ և վերջապէս մի քանիսին էլ նա մատակարարել էր հաճոյք, քէֆ, զուար-ճութիւն, արշաւանքներ . . . Եւ այդպիսով նա, սկսած ամենահասարակ էազայից մինչև կատիին՝ մատուցել էր ծառայութիւն և շողոքորթութիւն . . . և ահա նա ծանօթացել էր բոլորի հետ, ունէր իր սրտում նրանցից իւրաքանչիւրի մի մի գաղտնիքը, ունէր նրանցից իւրաքանչիւրի թոյլ միջակ կամ ջերմ բարեկամութիւնները . . .

Այդ առաւելութեան հետ, նա ունէր և փարձառութիւն. ժամանակին Թօփալը մի մանրավաճառ էր, բայց աւելի զբաղուած էր մուհակներով փող տալով, քան վաճառականու-

թեամբ. մի օր էլ փորձեց կեղծ մուրհակ շինել, բայց բռնուեց, դատի տակ ընկաւ, մի տարի բանտ նստեց, տարիներով դատ վարեց, վերջապէս ազատուեց բանտից, բայց երբ դուրս եկաւ, նրան արդէն յայտնի էր թէ քնչ բան է նախնական, վճռաջինջ, եղեռնական և այլ ատեանները. քնչ են օրէնքները և քնչ միջոցներով կարելի է այդ օրէնքների առաձգականութիւնից օգտուել և կամ ժողովրդեան տրդիտութիւնը աչքի առաջն ունենալով՝ հարըստանալ, բարձրանալ, ճռուել ճռումաբանել, խարդախել, գրքիկ-գջլիկ և բոլորի տակից դուրս գալով՝ շրթունքները սրբել ու անմեղ մարդու պէս մի կողմը կանգնած, ժրպտել իւր անթիւ, անհամար զոհերի տանջանքների վրայ . . .

Սյդ բոլորը նա սովորեց գործնականապէս, որովհետեւ ինքն էլ ենթարկուեցաւ այդ գործողութիւններին, ինքն էլ տեսաւ շրթունքները սրբող զող աղուէսների, ինքն էլ տանջուեց . . . և եթէ արգարացաւ, դրա պատճառը իւր ըստորաքարշութեան բնածին հակումն էր . . .

Թօփալը Վանի փաստաբանների երրորդ յատկութիւնն ևս ունէր. նա ստանում էր

օրէնքների բրոշիւրներ, ունէր (՛) հատոր Վէս-տուրը ¹, կարգում էր և մինչև որ մի տարիի չափ էլ քաշ չըեկաւ դատարաններում՝ չըձեռնարկեց փաստաբանութեան: Նա ամէն առաւօտեան լուսաբացին զարթնելով, գնում էր իւր առջև օրէնքի դրքերը, անյազաբար կարգում էր (այդպիսով տաճկերէն լաւ կաբգալ ու գրել էլ սովորեց), լետոյ շտապում էր եկեղեցի և երբ ժամերգութիւնից լետոյ նա առուակի վրայ լուացւելու էր իջնում, կանգնեցնում էր փողոցից անցնող իւրաքանչիւր գիւղացու և համարեա թէ միշտ, սկսում էր նրանց հետ մի այսպիսի խօսակցութիւն.

- Ո՞րտեղացի ես, ախպէր,
- Սիւկայեցի ² եմ աղա,
- Ես աղա չեմ, ես էլ քեզ նման ախպէր եմ . . . է, լաւ, ինչու ես եկել քաղաք.
- Նաս ունիմ.
- Մտտ ունիս, գոչում էր Թօփալը և նրա աչքերը ուրախութիւնից փայլում էին—
- Քնչ դատ ունիս.

¹ Տաճկական օրինաց գրքերը:
² Մի գիւղ է, վանից կէս ժամ հեռու որութեամբ:

Այստեղ Թօփալը ստիպում էր գիւղացուն նստել առուակի մօտ, մէջքը կռթնեցնել մի ծառի և պատմել դատի մասին. գիւղացին պատմում էր, Թօփալը ամենայն ուշադրութեամբ լսում էր, երբեմն զլուխը թափահարում, երբեմն աչքերը չուում, երբեմն բացականչութիւններ անում և վերջապէս երբ գիւղացին ասել էր ամէն ինչ, ստանում էր պաշտօնական կերպարանք, դէմքը կնճռելով փոքր ինչ մտածում և ապա դառնալով դատողութեան կամ կարծիքի սպասող սրտատրոփ գիւղացուն, ասում էր.— վախ, վախ, իմ ախպէր, բանդ գէշ է . . . փողերդ պիտի երթայ, դատդ պիտի կարցնես և ո՞վ գիտէ, զուցէ բանա էլ նստես . . . Յետոյ տեսնելով գիւղացու դունաթափուելը, իսկոյն աւելացնում էր.

— Բայց . . . մի վախենալ, եթէ կուգես ես քեզ խրատ կըտամ թէ ինչ պիտի անես... փող չեմ ուզիլ քեզնից. իսկ դատաստանական ծախսերը դու ինքդ կանես . . . Հիմա դու ո՞ր էիր գնում.

— Խնդիր գրել տալու . . . Ահմէդ աղայի մօտ.

— Ը՛ր, չերթաս, ախպէր, չերթաս էտ անիրաւի մօտ . . . Հէմ¹ 100 փարսդ կառնի, Հէմ էլ զրաճ խնդիրը մէկ փարալի օգուտ չի տալ . . . ա՛յ, գնա. Նազիմ էֆէնտիի օգան . . .

Թօփալը դիտէր իւր արածը. քաղաքում կային մի քանի հայեր և տաճիկներ, որոնք խանութներ էին վարձել և միմիայն խնդիրներ գրելով էին զբաղվում. Թօփալը դրանցից մէկի հետ բարեկամացել էր, պայման էր կապել նրա հետ, որ իւր ուղարկած խնդիր գրել տւողների տւածներից 1/4 ը ինքը կըվերցնէր և ամենքին ուղարկում էր նրա մօտ.

— Կասես Թօփալ Ակօն ուղարկեց ինձ, ասում էր նա գիւղացուն— որ այդ ասես, նա քեզ համար մի այնպիսի խնդիր կըգրի, որ կատուես ամէն փորձանքներից . . .

Մի քանի ժամ Թօփալը գիւղացիներին այդպէս խօսեցնելուց լէտոյ, մտնում էր տուն ճաշում և շտապում դատարան, ուր նա գիւղացիներին մտնելիք սենեակներն էր ցոյց տալիս, գնալիք

1 Թէ:

տեղերը առաջնորդում, զրագրին կամ կաղիին էր ներկայացնում բոլորին, իսկ ինքը գնում էր դատարանի սրահը, նստում մօտ և ուշադրութիւնը լարելով լսում էր բոլոր գատերը սկզբից մինչև վերջը. մի բառն էլ չէր փախցնում:

Ընդմիջումների ժամանակ նա շողոքորդ ժպիտով մօտենում էր էազաներին կամ կաղիին և երբ կարողանում էր նրանց մի ծիծաղին կամ մտերմական վարմունքին արժանանալ, ետ դառնում ու գիւղացիներին էր նայում տեսնելու համար թէ իրեն գիտող կ'ար... Ի հարկէ կար, գիւղացիները սկսում էին մեծ կարծիք ունենալ նրա վրայ, թօփալ Ակօի վրայ, որի հետ կատակներ էին անում էազաները, կաղին և կամ միւֆտին . . .

Թօփալը գրանից յետոյ վազում էր իւր գիւղացիների մօտ, հարցնում էր թէ ինչ արին, գողգողալով նեղանում էր և հայհոյում նոցա, եթէ մի սխալ ընթացք էին բռնել. շատ անգամ իսկ ինքը դիտմամբ նրանց արածի մէջ սխալ էր գտնում, բարկանալու կամ գողգողալու բուռն փափագ զգալով (և ինչ էք կարծում, գիւղացիք մի տեսակ մխիթարութիւն էին ըզ-

գում, երբ լանդիմանովում էին իրենց մի որ-
ևիցէ սխալ ընթացքի համար): — Էշ էք, արխ-
մար էք, գոչում էր նա-խօսքը լաւ չէք հաս-
կանում, վնասվում էք և յետոյ մեզ մեղ գնում թէ
ձեզ խարեցինք, տօ՛, ախմախներ, փաստաբանը
ի՛նչ անի, երբ դուք նրա ստածը չէք անում . . .

— Իրաւունք ունիս, Ակօփ աղա, հայհոյիր
մեղ, մենք ախմար ենք, էշ ենք . . .

— Այ, շարունակում էր Թօփալը-ուրիշ
բան է, եթէ դուք փաստաբանին ձեզ վէքիլ¹
անէք, ծախսի փողը տաք ու զրազ քաշելով,
սպասէք մինչև վերջը... այն ժամանակ իհար-
կէ, փաստաբանը իր արածը գիտէ, թէ չէ, դուք
ձեր էշութիւնով որ քանդէք մեր շինածը՝ սվ
է մեղաւոր . . .

— Աւրբան քեզի, Ակօփ աղա, ապա ի՛նչ
անենք, բանմ էր եղաւ, զարթ արինք, դու-
քո Աստուած, արի մեր այդ արածը ուղղիր, ինչ
որ ուզես կըտանք . . .

— Ա՛ււ, լա՛ւ, գոչում էր Թօփալը — Էս ձեզ-

1 Հաստատրմատոր:

նից փող առնող չեմ, առանց էն էլ ձեզ ուտե-
լու հաց չի մնացել . . .

Եւ սովորցնում էր մի քանի այնպիսի գոր-
ծողութիւններ, որոնցով գիւղացին աւելի և ա-
ւելի խրվում էր սխալմունքների մէջ և վեր-
ջապէս ստիպվում էր ետ քաշւել, նրան վէքիլ
անել և տալ ինչ որ ուզում են . . .

Հետզհետէ Թօփալը սկսեց իր գործը մե-
ծացնել. նրա անունը արդէն տարածւել էր
գիւղերի մէջ և Թօփալը այլ ևս հանգստութիւն
չուէր: Տանը նա ընդունում էր գիւղացւոց,
փողոցում հանդիպելիս լսում էր նրանց, ծառե-
րի տակ կամ մի սրճատան կամ մի տան պա-
տի տակ քաշտալով ընդունում էր նրանց թըղ-
թերը, փողերը և ասածները, դատարանի սրա-
հում մղելով նրանց մտցնում այս այն սենեակ
ստորագրութիւններ ու կնիքներ էր դնել տա-
լիս և գիւղացիք անպայման հաւատում էին
նրան. գիւղացիք տեսնում էին որ իրենք ան-
կարող էին դատաստանական այդ խառնուրդի
մէջ մի քալլ իսկ անել և կուրօրէն կառչում
էին ամէն յարդից, կարծելով թէ պիտի ազատ-
ւին. . . և եթէ գլորվում էին, տխմարութիւն

իսկ ունենում էին միսիթարւելու, մտածելով որ
գոնէ օրէնքով էին կործանվել . . .

Բ.

Նրա անունը Թօփալ էր, որովհետև կազ
էր և ոչ միայն մի ոտքով, այլ երկու. դրա
համար իսկ երբ ման էր գալիս, նմանում էր
մի փքած բաղի: Կարճահասակ էր, մինչև իսկ
թզուկ, խորշոմապատ պղնձագոյն գէմք, փոքր
խոր ընկած շարժուն բերով աչքեր, հաստ չըր-
թունք, հաստ ընչացք, գերծած ծնօտ, կոշտ
կարճ մատներով ձեռքեր: Գլխին կրում էր մի
երկար փիւսկիւլով կարմիր ֆէս, վրան մի եռգ-
մա փաթաթած. սքեղնաւոր մանիստալի արխա-
լուղի վրայ հագնում էր հնամաշ կապոյտ ֆէ-
րէջէ-ջիւբբէ և ոտքերին կրում էր մի ահագին
եամանի, որով նա սաստիկ փոշի էր հանում
փողոցից անցնելու ժամանակ: Անցնելու ժա-
մանակ անգաղար անհանդարտ ակնարկներ էր
ձգում իր երկու կողմը, թափանցիկ ակնարկով
զննում էր իւրաքանչիւր իր, իւրաքանչիւր
մարդ, մի կողմը քաշւելով ակնածութեամբ և

մինչև կէս մէջքը խոնարհելով բարևում էր պաշտօնեաների, ուղղակի քայլում էր դէպի գիւղացիները և բարձրալիզ ընդունում էր նըրանց խոնարհ բարևները, միշտ աշխատում էր մի քալ առաջ քայլելու, երբ մի գիւղացու հետ էր և մի քանի քալ ետ, երբ մի պաշտօնեայի առջև քծնում էր: Հետաքրքրվում էր ամէն բանով, ուզում էր ճանաչել ամէնքին, գիտէր ամէն ինչ. նրա գլուխը տեղական մի ամբողջ էնցիկլոպեդիական բառարան էր. նա մինչև իսկ ընտանեկան զաղտնիքների մէջ մըտնում էր, գիտէր թէ այս ինչի կինը օրի աղջիկն է, ինչքան օժիտ բերեց իր ամուսնուն. ինչու կուէցին զրացիների հետ, ինչու սկեսուրի հետ լաւ չի ապրում և այլն և այլն... մայրաքաղաքի լուրերից էլ գիտէր. նա հետաքրքրվում էր լրագիր կարգացողներից և անյազութեամբ լսում էր ամենատաննշան լուրերն անգամ:

Այդպէս էր Վանի փաստաբան թօփալ Ակօն:

Սրանից մի քանի տարի առաջ Թօփալը գտնվում էր իր գործունէութեան սակեղարի

մէջ. նա գլուխ քորելու ժամանակ իսկ չունէր և երեկոյաներն էլ շատ ուշ էր տուն գալիս, իսկ լուսաբացին հագիւ կերակուր կերել և բազրն էր դուրս գալիս, որ շրջապատվում էր գիւղացիներով, խօսում էր նրանց հետ, հարցնում, տեղեկանում և այդպէս շրջապատւած նա զնում էր մինչև քաղաք, նստում մի սըրճատան մէջ սուրճ խմում, ներգիլէ ծխում ու շտապում էր դատարան: Այնտեղ նա մտնում էր սենեակից սենեակ. ատեանից ատեան, կանչում էր դատ ունեցող գիւղացիներին, յովորցնում նրանց խօսելու բաները և այդպէս անց կացնում ամբողջ օրը:

Նրա հանգստութեան օրը միմիայն ուրբաթ օրն էր, երբ դատարաններն փակ էին լինում, ուստի և գիւղացիք չէին լցվում քաղաք:

Ուրբաթ օրերը Թօփալը գնում էր քաղաք, բայց շուտ էր վերադառնում և նստելով փողոցում իր տան դռան առջև ներգիլէ ծխելով անցուդարձ անողներին նայում կամ օրինաց զրբերը թերթում:

Այդպիսի մի ուրբաթ օր էր, որը թօփալ Ակօն չէր մոռանալու իր կեանքի մէջ:

Քաղաքում մի քանի էազանների և բէյերի հետ տեսնւելուց յետոյ, Թօփալը վերադարձաւ Այգեստան, ճաշեց, մի կուռիկ ¹ էլ Շաղբազիի գինի կոնծեց, ներգիլէն լցրեց, դուրս գնաց փողոցը և ներգիլէի շիշը վազող ջրի մէջ դրած, ինքը պղպած կանաչ խոտի վրայ սկսեց ծխել աւ անցուղարձ անողներին դիտել:

Անցնում էին արհեստաւորներ, Թօփալը բարևեց նրանց, գործի յաջողութիւն մաղթեց և հետաքրքրւեց թէ որի տան վրայ են աշխատելու: Քիչ լետոյ անցաւ մի ձուկ ծախող, որը ձկներով լիք կողովները բարձած էշի վրայ գոռում էր— „ղուկ առէք, զիւկ, զիւկ...“ ²: Թօփալը թէև գիտէր արդէն, բայց նորէն հարցրեց ձկան գինը. հետաքրքրւեցաւ թէ ձկան բէնտը շատ ձուկ տալիս է թէ ոչ և կամ թէ աւածը արու է թէ էգ ³... լետոյ յայտնեց որ ինքը արդէն 1000 հատ գնել է: Վրանից լետոյ անցաւ մի մարդ, որը բա՛շը ուսին դրած ջրի ուղղութեամբ գնում էր.— ջրաբաշխն էր.

¹ Հողի աման, թատ. ² Տոճիկները ձ տառը գ են արտասանում: ³ էգը իր փորի նամար գերադասելի է:

Թօփալը նրան էլ խօսեցրեց. անցաւ ձէթ ծախողը, Թօփալը ձէթի գինը հարցրեց և երբ բարևում էր մի քաղաքացու, աչքը ընկաւ մի գիւղացու վրայ, որը պայուսակը ուսին շտապով անցնում էր դէպի քաղաքի կողմը:

— Ախպէր, գոչեց նրան Թօփալը— դո՛ր կերթաս... վայ, յարեց նա, երբ գիւղացին կանգ էր առել— էդա տիւ ես, Մելքո՛ն, արէ ստեղ խենք ¹... բարով ես եկէ, ի՛նչխ ² էլաւ որ քեազաք էկար... մօտ արի, արէ նստի ճիգարա ³ մը քեաշի... արե՛, արե՛ . . .

Գիւղացին մօտեցաւ, բարևեց և ասաց.

— Չէ, Ակօփաղա— գործ ունիմ շտապում եմ.

— Այգ ի՛նչ գործ է որ այդքան շտապում ես, հարցրեց հետաքրքրութեամբ Թօփալը— էլի կերթաս, նստիր, նստիր ճիգարա մը քաշիր... հէ՛, էա ի՛նչ գործ է . . .

— Է՛հ, Ակօփ աղա— ասաց գիւղացին դառնութեամբ— էլ մի ասիլ, երեք օր է, որ խելքս վրաս չի, հայրս մեռաւ . . .

— Վայ, վայ, Կիրակոս աղէն մեռաւ. . .

¹ նայինք: ² ինչպէս: ³ Պապիրոս:

ափսսո, ափսսո... Ատաւած հոգին լուսաւորի,
շատ լաւ մարդ էր.— Է՛, յետո՛յ, մեռաւ՝ մե-
ռաւ, էլ ինչ կայ խելք կորցնելու...

— Միայն այդ չէ, շարունակեց գիւղացին
— լուր ստացանք որ Կուռուպաշայ հօրեղբայրս
էլ Ստամբուլ մեռել է . . .

— Էտ ո՞ր հօրեղբայրդ էր, հարցրեց Թօ-
փալը— Էն չէ՛, որ երկու տարի առաջ երրորդ
կնիկը առաւ:

— Հո՛, նա է... գնացել էր Ստամբուլ իր
ղահվէն ծախելու, հիւանդացել է ու յանկարծ
մեռել:

— Է՛, խեղճ տղայ, է, յետո՛յ . . .

— Այժմ ես ու եղբայրներս մէկ մէկու միս
ենք ուտում... քեզ յայտնի է, որ Կուռուպա-
շայ հօրեղբայրս հարուստ էր. ասում են շատ
հող, երեք մեծ այգի, 40 կով, ոչխար ու գո-
մէշ ունի... հայրս էլ հող ու այգիներ է թո-
ղել. կուռի մէջ ենք այժմ. Մարգարը գանգատ
տաւ, Վարիսէյի պաշտօնեաները երէկ եկան
ամէն բան գրեցին... հիմա չենք իմանում թէ
ու՞մ ինչ կը հասնի... հօրեղբորս կինն էլ մէկ
կողմից կանգնել է ու իր բաժինն է ուզում...

— Վո՛յ, վո՛յ, վայ, գոչեց Թօփալը— այդ
ինչ խառնվել է գործը... է, այժմ ո՞ւր էիր
գնում քաղաք:

— Գնում էի Ահմէդ Էֆէնդիին տեսնելու,
խորհուրդ հարցնելու, տեսնենք ինչ կասէր...

— Լաւ, ճիծաղեց Թօփալը— հային թողել,
տաճկին էք գնում, ինձ սկի միտդ չէս բերել,
ծ՛ո, ո՞ւր ես գնում էտ անիրաւի մօտ, որ ձեր
սաղ ունեցածը կուլ տայ, ու ձեզ էլ բանտե-
րումը փթեցնի . . .

— Բաս ինչ անեմ, Ակոփ աղա:

— Ախպէր, թէ կուզես ես քեզ խորհուրդ
կըտամ ու փող էլ չեմ առնիլ, յետոյ կըտեսնես
որ ես լաւ մարդ եմ, որ Ահմէդ Էֆէնստի մօտ
գնալու փոխարէն, ինձ մօտ պիտի գայիր . . .
ինչ և իցէ... այսօր ոչինչ, հէօքմէթը բաց չի.
այսօր կըմնաս մեր տան, իսկ էգուց ես քեզ
համար մէկ արգուհալ¹ կըգրեմ կըտանես կըտաս
միւֆթիին և կըտեսնես, որ ամէն ինչ լաւ կեր-
թայ . . .

— Իսկ հօրեղբորս կինը . . .

3709-48

1 յոնդիր:



—Քաղաքումն է:

—Քաղաքումն է, Ս. Վարդանի մօտ իր եղբոր տանն է իջել, ասում են, որ էգուց միւֆտիին խնդիր է տալու:

—Ձօ, թող տայ, ծիծաղեց թօփալը—նիգամով քո հօրեղբորդ կնկան Տից մէկ կըհասնի, թող որչափ կուզի տփուի¹, գրանից մի փարայ աւելի չի կարող ստանալ... հալա տեսնենք թէ երրորդ կնկան բան կըհասնի... եղբայրներդ ինչ են ուզում, ինչի էք կուել միմեանց հետ:

—Մարգարը ուզում է Կուռուպաշի այգիներին տիրանալ ու հողերին, Կարապետը Կուռուպաշի տաւարներին և մեր գեղի այգիին, խկ ինձ ուզում են թողնել տները և մեր գեղի հողերը . . .

—Լաւ է էլի, էլ ինչ ես ուզում:

—Ի՞նչը լաւ է, Կուռուպաշայ այգիները այնչափ մեծ են և պտղաբեր, որ չորս առու երկու օրւայ մէջ հագիւ են ջրում, տաւարների մէջ էլ Տ հասա գոմէշներ կան, որ հատը 4-5 օսկի արժեն, խկ ինձ թողնում են երկու-

¹ Խփուել այս այն կողմ:

քարուքոնդ տներ և մի բուռ անպտղաբեր դաշտ, ես սկի կըհամաձայնեմ... կուի էլ արինք, Մարգարը Կարապետին էլ լաւ մը ծեծեց, ես էլ երկուսին հայհոյեցի... մի խօսքով շիլա-ճաշ է դուրձել մեր բանը . . .

—Վնաս չունի, ասաց թօփալը փոքր ինչ մտածելուց յետոյ—շիլա-ճաշ չի եղել, մի վախենալ, ես ամէն ինչ կըշինեմ... բայց պէտք է դու չըխառնուես, որովհետեւ յանկարծ մի սխալ բան կանես ու գործը կըփչացնես... ինչ և իցէ, այսօր ինձ մօտ մնա կըխօսենք, խկ էգուց կերթանք քօղաք... հըմ, յարեց նա գլուխը օրօրելով—գործը շատ է խառնուել, Աստուայ ողորմութիւնը հասնի... հէյ դիւնեա¹, երեք օր առաջ ինչ գիտէինք, որ էսօր Մելքոնը խելքը կորցնելու խօսքեր է անում . . .

—Հն, հն, ասաց տխրութեամբ գիւղացին—եթէ խելքս չեմ կորցրել, գոնէ շւարել եմ: չեմ իմանում ո՞ւր գնամ, ինչ անեմ... սաղ գիւղացիք թափուեցին, չըկարողացան մեզ հաշտեցնել . . .

¹ Աշխարհ:

—Ի՞նչ հաշտուողներ էք, ծիծաղեց Թօփալը—երեքդ էլ տաք գլուխ, երեքդ էլ ջահիլ... է, հարսդ ինչպէս է, լաւ է... դեռ տղայ չունեցանք,

—Ձէ, չունեցայ, կինս հիւանդ է...

—Աստուած առողջութիւն տայ... այս տարի ցորենը ի՞նչպէս է:

—Լաւ է երևում, եթէ շահնաները փուրփուր չուզող¹ չանեն . . .

Թօփալը բարձրացաւ, վերցրեց ներզիլէն և հրաւիրեց Մելքօնին տուն. այնտեղ նրան կերցրեց և սրովհետև մթնում էր, հրամայեց կնոջ ճրագը փառել և վերի օդէն Մելքօի համար քնելու տեղ պատրաստել. իսկ երբ Մլքօն գնում էր քնելու, Թօփալը կանգնեցրեց նրան և հարցրեց.

—Գիտես, գործը շատ փող կուզի հասնի... փող բերել ես հետդ . . .

—Մէկ ոսկի բերել եմ, եթէ պրծնի՝ ցորեն ու թացան ունիմ կըծախեմ' . . .

—Հըմ, լաւ... մումուաց Թօփալը մտազբաղ:

¹ Յրեւ, սչնչացնել փշացնել. ծագում է «փորել» և «փշացնել» բառերից:

Պ.

Վանի շուկան, որը ինչպէս Արևելեան բոլոր շուկաները, ծածկուած է, գտնվում է քաղաքի մէջ—բերդի տակը: Նա պատկանում է զանազան անձերի և կազմուած է մի քանի մեծ քարվանսարաններից: Այդտեղ հայերն ևս ունեն իրենց սեփականութիւնը սկսած եկեղեցիներից մինչև մասնաւոր անձերը. սեփականատիրոջ անունով էլ շուկայի մասերը ունին իրենց կոչումը, օր. Նարան-բէլի չարշի, Ահմէդ աղայի և այլն:

Կալջեանի շուկան աւելի մօտ էր գտնվում դատարաններին և կառավարութեան դռան, որոնք ամէն կողմից շրջապատուած են բազմաթիւ սրճատներով, որովհետև գործունոցողները այդպիսի տեղեր են մտնում սպասելու իրենց հերթին:

Կալջեան չարշիից փոքր ինչ ցած, Բոյախանայի գլխի մօտ, մեր պատմութեան ժամանակ գտնվում էր մի փոքրիկ բազով քարվանսարայ: Բազի մէջ տնկուած էր մի պարտէզ, իսկ պարտէզի մօտ տեղ-տեղ դրուած էին սեղաններ և

աթոռներ. մի քանի զոգնոց կապած մարդիկ առջևի կապած տոպրակի մէջ ունենալով Ֆրնջաններ, ձախ ձեռքում մաշալով կրակ, աջում՝ սրճով լիքը ամանը, վաղն 'ի վազ անցնում էին սեղանների մօտից, այնտեղ նստած անձերին Ֆնջանով սուրճ կամ մաշալով կրակ էին մտտուցանում և փողերը հաւաքելով մտնում էին մի սենեակ, որը բուն սրճարանն էր: Պարտեզի մէջ պարբերաբար նստած էին լինում ամէն կարգի մարդիկ, ոմանք ներզիլէ էին ծխում, ոմանք միմիայն խօսակցում, իսկ ուրիշները սուրճ խմում. երբեմն էլ մի տաճիկ թւեերը սոխտած՝ ջրամանը ձեռքին, ոտները բոբիկ կոշիկի մէջ հագցրած՝ գալիս անցնում էր բազի միջով, կրուանում լուացւում էր դէպի պարտեզը թափուող աղբիւրից, ջրամանը լեցնում, իր արգաստը կատարում և տեղնի տեղ աղօթելու չոգում կամ աղօթքներ մըմուսլով անցնում մտնում էր սրճատան մի անկիւնում կատարելու իր նամազը: Այդ սրճարանը Սախօենց Միրօյին էր պատկանում: Սախօենց Միրօյի սրճարանը նըշանաւոր էր և նրանով, որ յաճախ կազին իսկ իր զրազիրներով ներս էր մտ-

նում պարտեզը և նստում էր սուրճ խմելու: Յունիս ամսուայ վերջերում, իրիկնապահին, Միրօյի սրճատան պարտեզը զբաւել նըստել էին միայն երկու խմբեր: Պարտեզի մէջ տեղում մի սեղանի շուրջը նստել էր կազին իր երկար Փէրէջէով. նրա հետ կար քեաթիլ ¹ էֆէնդին և միւրէյի իմուսիլէն ². իսկ պարտեզից հեռու մի պատի տակ լուսթեսամբ ծըխում և խօսում էին երկու այլ անձեր, որոնցից մէկը Թօփալն էր, իսկ միւսը մի երկարահասակ, խոշոր դճերով և լայն թիկունքով զիւղացի:

Գիւղացու ոտների մօտ ընկած էր մի փոքրիկ պալուսակ և մի կարճ ցուպ, իսկ Թօփալը իր գաւազանը զրել էր ծնկների վրայ, նէրզիլէի փողը կպցրել շրթունքների ձախ անկիւնին, աջ ձեռքովը մի ինչ որ հաշիւ էր գրում ուղղակի սեղանի վրայ:

—Տես, ասում էր նա զիւղացուն—ես քեզ սկզբից տասցի, որ շատ փոշ փէտք է քո ու-

¹ Գրագիր կատարութեան. ² Ընդհանուր Կատար-խաղ:

զած կերպով դատը դարձնելու համար... դեռ
իմ աշխատանքի վարձս չըհաշուեցի, բայց ահա
3-4 քիսէլի ¹ հաշիւը աչքիդ առջևն է... չէ,
Մարգար, քո բանդ չի դատ վարելը, թող զնա
բանիդ . . .

— Էլի դու քո էջն ես քշում, գոչեց գիւ-
ղացին—դու առաջ ասա ինձ, թէ կարող եմ
ասածս անել թէ ոչ, իսկ ինձ վերաբերում է
ծախսերին, այդ քո գործդ չէ.

— Լաւ, լաւ, ախպէր, ինչու ես բարկա-
նում... քո ասածիդ պէս դժւար չէ գործը
դարձնել... Հըմ, շատ էլ հեշտ չէ, բայց ես
կանեմ, Թօփալը կանի, կանի և դրա համար էլ
լաւ վարձ կըվերցնի . . .

— Ի՞նչքան, հարցրեց գիւղացին.

— Հըմ, արեց Թօփալը մտազբալ—շատ
օլիններ պիտի հանել և դժւար թէ ուրիշը ինձ
պէս կարողանայ այդ օլինները սարքել . . .
գործն էլ ամիսներ կըքաշի . . .

— Ի՞նչ ասա թէ ինչքան կուգես, դո-
չեց գիւղացին անհամբերութեամբ.

¹ Մէկ քիսէլն 5 ոսկի է:

Թօփալը փոքր ինչ լռեց, լետոյ մի անկ-
նարկ ձգեց կաշիի նստած կողմը և կռանալով
դէպի գիւղացին, շշնջեց խորհրդ աւոր կերպով.

— Ես ջհաննամը... ասաց նա—ինձ ինչ
որ տաս ձայն չեմ հանիլ. բայց այ՛, այ՛ն „սիպ-
տակ գլխին“ պիտի մի եղալի պատառ ուտեցնել:

Գիւղացին հասկացաւ թէ Թօփալը որոնց
էր ակնարկում.

— Ի՞նչ կայ, ասաց նա—ամենքին մէկ մէկ
„դեղին“ կուտեցնենք . . .

— Հայ հօյ... ծիծաղեց Թօփալը—մէկ մէկ
դեղինը նրանց ցամաք հացն է խօ... Էդ չի լի-
նի, եղալի պատառ պիտի ուտեցնել եղալի. հաս-
կանում ես, եղը վրէն կապած . . .

— Էդ խօ տուես կըքանդի, դէմքը կնճը-
ռեց գիւղացին.

— Ինչէր ես խօսում, սպահովցրեց Թօ-
փալը — նրանք լիմար են, ասում են փող չենք
ուզում... հող են ուզում, իւրաքանչիւրին օ
սոմարանոց հող տաս կառնի ու քեզ էլ մէկ
թէմէնդէ ¹ կանի . . .

— Հի՛նգ սոմարանոց, բաշտկանչեց գիւ-

¹ Տոմիկական բարեւ:

զացին—ես սկի քսան սոմարի հող չունիմ, որ էն էլ տամ նրանց, էլ քնձ ինչ կրմնայ.

—Քէզ, ծիծաղեց Թօփալը—տրի հաշ-
ւենք... կրմնայ երկու մեծ—ահագին այգիներ,
40 տաւար, որոնց 7-8ը գոմէշներ են, 15ը
կով և եզ, 3ը ձի, յետոյ... 30 սոմարի հող,
զիւղում մի տուն, իսկ քաղաքումը մի 200
ոսկի արժող տներ... նրան ուէս Մէյիք կասէին,
զիտէս, փաշայի հարստութիւն ունէր անիծա-
ծը . . .

—Հօրեղբայրս, գոչեց յուզմամբ գիւղացին.

—Հա, հէնց հօրեղբայրդ, ասաց յաղթա-
կան կերպով Թօփալը—ես ինքս գնացի աշարի
մէմուրի¹ մօտ և տեարակները նայեցի... այս
պէս ուրեմն, ես հաշւել եմ, որ բոլոր ծախսե-
րը անելուց յետոյ, քեզ էլի կրմնայ երկու ալ-
զի և քաղաքի տները . . .

—Իսկ հողէրը, տաւարները . . .

—Վայ, տնաշէն, էդ քնձ է, բաս էլ թա-
փուի մամուրին² ինչ պիտի տաս, աշարի մէ-

մուրին, քնձ, դատաստանի ծախս... հէլէ էն
քեաֆտաուի ձեռքն էլ մի բան պիտի ձգել, ա-
պա թէ ոչ խայտառակութիւն կըհանէ...
դու աղօթք արա որ դրանցով պրծնես... դէհ
թէ որ ուզում ես գործը շուտ վերջանայ, ինչ-
քան փող ունես մօտդ տուր և յետոյ վազն էլ
մի քսան ոսկի ճարիր բեր, որ ծախսենք . . .

—Ո՛րտեղից ճարեմ քսան ոսկի, գոչեց գիւ-
ղացին.

—Ղժւար չէ... զնա ժամկոչենց Աւետիս
աղայի կամ փոխարարենց Սկրտիչ աղայի կամ
մուխի Ասլանի մօտ ու հողերդ գրաւ դիր...
ես նրանց կասեմ որ քեզնից շատ տոկոս չառ-
նեն, իրենց էլ վնաս է, որ առնեն, որովհետև
էսօր էգուց կըհարստանաս ու նրանց հողին
կարող ես հանել... զնա այժմ, ուշ է, հաղիւ
զիւղ հասնես . . .

Եւ Թօփալը ներգրիէի փողը բերնից ցած
առաւ ու շարժւեց ելնելու.

—Սպասիր. ասաց նրան գիւղացին—իսկ
եթէ փողը տւի և խաբեցիր ինձ.

—Վահ... գոչեց իբր թէ զարմացած Թօ-
փալը—էդ ինչէր ես ստոււմ, մարդ Աստծոյ, խօ

✓ 1 Անասնական տուրքերի կտուարիչ: 2 Հողային
տուրքերի կտուարիչ:

այան-թալան չէ: Ինձ էլ խօ նոր չես ճանաչում, սաղ աշխարհը զիտէ ինձ, որի մէկ փարան եմ կերել իզուր անղը, սրի տունն եմ քանդել... չէ, ախպէր, որ այսպէս կասկած ես տանում, երթաս բարև, գնա ինչ որ կուզես արա, ես քեզ հետ էլ խօսք չունեմ . . .

Թօփալը նեղացողի դէմք ստացաւ, ոտքի ելաւ, առաւ գաւազանը, գաղտագողի մի սկնարի ձգեց զիւղացու վրայ, որը մտազբաղ գլուխը խոնարհեցրել էր կրծքի վրայ և հեռանալուց առաջ, մի խորամանկ հազ արձակեց և ծածկելու համար այդ հազը մոմուաց:

— Էնքան խօսեցի իզուր տեղը, որ թոքերս էլ մաշւեցին . . .

Յետոյ տեսնելով որ զիւղացին արգելք չի լինում իր մեկնելուն, աւելացրեց.

— Իէհ, մնաս բարև, Մարգար... ես քեզ ատր սկզբից ասեցի թէ ձեզ պէսների բանը չի այդպէս գործեր անելը... գնա՛, գնա տաւարներիդ մօտ . . .

— Բաս որ իմ բանս չէր, գոչեց զիւղացին գլուխը բարձրացնելով— էլ ինչու եկար ինձ գտար ու յայտնեցիր ինձ որ կարող ես հօրեղ-

բօրս թողած կալածների միայնակ տէրը չինել... ինչո՞ւ եկար գրգռելու իմ ագահութիւնը, հըր, որ իմ բանը չէր, ինչ գործ ունէիր ինձ հետ, ինչո՞ւ երկու շաբաթ է քունս կրտրել ես տւել ու չես թողնում իմ գործերս տեսնեմ . . .

— Վա՛, վա՛, վա՛, ասաց Թօփալը ետ ետ քաշւելով և աչքերը չռած— ախպէր, գժւեցիր, դառը խոտ ¹ ես կերել ինչ է... ես ինչ գիտէի որ քո մէջ հարստանալու շնորհք չըլիայ, ես ինչ գիտէի, որ դու կամենում ես առանց փողի փող շահել, ահագին հարստութեան տէր դառնալ, ես ինչ գիտէի որ ինձ էլ խաբեբայ ու ստախօս կը շինես... ձեռք քաշիր ինձնից ախպէր, թորա՛, դալաթ արի որ քեզ խօսեցրի, շատ դալաթ արի... մեղայ Սատծոյ... էլ բան ուզում ես, ահա մեղայ կանչեցի, ձեռք քաշիր ինձնից, դեռ խօ մի փարաղ էլ փառք Սատծոյ չեմ առել, հէլէ քո խմածդ սուրճի ու ներգրիէի, օղիի և մաստիկայի փողերն էլ ծո-

¹ Մի տեսակ խոտ է, որի համար ասում են թէ ուտողը կըրժւի: Ուտողին, եթէ գրծվում է, սառը ջուր են ամում պիտի եւ քնեցնում, այդպիսով լուանում է:

ցիցս եմ տւել... էլ ինչ ես ուզում, մօմ դառնամ առջևդ վառւեմ... չէ, ախպէր, որ էդպէս վասվասայով¹ ես, սկի բարև էլ մի տալ ինձ. թող խմածդ սուրճ, օղին և մաստիկան հալալ լինի քեզ . . .

Շարժւեց մի քալ առաջ, յետոյ յանկարծ ետ դարձաւ, աթոռը մօտ քաշելով գիւղացուն, նստեց, կռացաւ դէպի նա և խռպոտ ձայնով ասաց.

— Ծօ ախմախ, ինչու ես վախենում այդպէս բանից. եթէ վախենում ես որ խաբեմ քեզ, շատ լսւ, ինչքան փող տաս ինձ, ստորագրութիւն առ, որ դատի համար ես տւել, իսկ ինչ վերաբերում է գործը տանելուն, սկի էլ կասկած մի տանիլ. ինձ թօփալ կասեն... թօփալ եմ, բայց ամէնից առաջ վագոզն եմ . . . ախմախ մի լինիլ, բեր, բեր մօտիդ փողերը սուր այսօր արզուհալը գրել տամ... դու էլ էգուց էլ փող բեր ու գործը սկսենք... ես իմ բեխերս կըթրաշեմ, կնկայ ետզմա կըծածկեմ գլխիս, կերածներս հարամ կանեմ, Տիրամօրայ ընկնաւոր, տիրամօրայ խեղճ կըղաւնամ, եթէ երկու ամսից յետոյ դու առօք փառօք կուռու-

1 Կասկածոտ:

արաշայ այգիների մէջ բօլթա չքատս !... հը, էլ բան ուզում ես, շուտ արա:

Մարգարը փոքր ինչ էլ վարանեց, ծոծրակը քորեց, յետոյ դանդաղութեամբ ծոցից հանեց քսակը, բաց արեց, պահ մի մատները նրա մէջ կոխելով մտածեց, յետոյ գլուխը թափ տւեց և ասաց.

— Ինչ որ լինելու է թող լինի... առ...

— Հա, այդպէս, գոչեց թօփալը— քաջ մարդը այդպէս կըխօսի... յոյսդ Աստու Վրայ դիր ե. ամէն ինչ լաւ կըլինի... վահ, այս ինչ է, մենակ մի ոսկի ունիս . . .

— Մէկ ոսկի էլ ունիմ, էն էլ պահել եմ տան համար մի քիչ շոր-մօր, կոշիկ-բան առնելու, մէկ լիսուս զուրուշ էլ թուրք Ահմէդին պարաք ունիմ՝ տալու եմ . . .

— Աղամ սէնդէ², ասաց թօփալը ձեռքը պարզելով դէպի քսակը-տնեցիք մէկ երկու օր էլ հին շորերով եօլա գնան, իսկ Ահմէտը դալաթ կանի, մէկ երկու օր էլ կըսպասի, սուր, սուր այդ մէկ ոսկին էլ... գործը հէնց սկզբից

1 ճեմել: 2 Մարդ դու էլ, մի բացագանշական ոճէ, որ նշանակում է «բան չունի»:

շատ փող կուզի... այո մէկ ոսկին արգուհայի
տամ, լահիլէի թէ վէքիլութեան թղթի . . .

—Սխր . . .

—Լաւ, տուր... գոչեց Թօփալը ծիծաղե-
լով և համարեա յափշտակելով առաւ ձեռքից
քսակը և հանեց նրա միջի լետին ոսկին . . .

—Դու քո Աստուածը, Ակօփ աղա, ասաց
Սարգարը աղիողորմ ձայնով-էնպէս արա որ
տունս չըքանդես, տղաներիս անօթի չըթող-
նես ... քեզ ենք սպաւինել . . .

—Վայ ախմախ վայ, ծիծաղեց Թօփալը-
անհոգ կաց, անհոգ, Թօփալը ոչ ոքի վնաս չի
տւել և չի տայ էլ . . .

—Էլ գու գիտես, ասաց գիւղացին լացի
ձայնով-էգուց էլ հողերս գրաւ կըղնեմ ու փող
կըբերեմ . . .

—Հա, լաւ միտս ընկաւ, ասաց Թօփալը-
հազր որ գրաւ ես զնելու... Թափուի միւտիրը
ասում էր, որ քեզ փող կըտայ, տոկոս էլ շատ
չի առնիլ... բեր նրա մօտ գրաւ զնենք . . .

—Վայ թէ խաբի.

—Սխմախ,, ծիծաղեց Թօփալը-ուրիշը որ
խաբի. նա չի կարող խաբել, կառավարութեան

մարդ է... բայց այդ թող մնայ վաղը... վաղը
արի մեր տուն կըխօսենք այդ մասին... Իսկ
այժմ գնա, ես կողքի հետ պիտի խօսիմ . : .

Գիւղացին դանդաղութեամբ բարձրացաւ,
մտազբաղ առաւ պայուսակը ու գաւազանը,
ճոճրակը քորեց, մի քանի քայլ արաւ, լետոյ
դարձաւ Թօփալին, նայեց մի այնպիսի աղաչա-
ւոր դէքով, որ Թօփալից բացի, ամէն ուրիշ
անձ կըլուզւէր . . .

—Ակօփ աղա... դու քո Աստուածը... մըր-
մնջեց գիւղացին.

—Գնա, գնա, ծիծաղեց Թօփալը-միամիտ
կաց ու աղօթք արա . . .

Գիւղացին իւր աղաչաւոր ակնարկը դէպի
երկինք դարձրեց և մի խոր հառաչ արձակելով
մըմնջեց.

—Աստուած . . .

Եւ հեռացաւ գլուխը կտխած, սիրտը ճընշ-
ւած . . .

Թօփալը քմծիծաղ մը դէմքին սպասեց մին-
չև նրա հեռանալը, լետոյ առաւ իր գաւազանը,
մի ակնարկ ձգեց կողքի կողմը և ինչպէս որ
գիւղացուն ասել էր, փոխանակ այն կողմը գնա-

լու, քարվանսարալի միւս դռնից դուրս եկաւ շուկան ու մեկնեց դէպի այգեստան մաժաւով ինքն իրեն.

— Լաւ կերակուր է... Աստուած յաջողութիւն տայ, թոռներս էլ ուտեն չի սլրծնիլ. . .

Եւ փողոցի մէջ տեղ կանգ առնելով ձեռքերը շփեց . . .

Դ.

Այսպէս Թօփալը ձեռք էր առել Մելքոնին և Մարգարին: Մելքոնի հետ համարեա թէ վերջացրել էր իր գործը, որովհետև մի օր Մելքոնը սարսափմամբ տեսաւ, որ ոչ միայն գործը աւելի խճճուել, խառնուել էր, ոչ միայն իր հողերի մեծ մասը նա ծախեց դատաստանական ծախսերը վճարելու համար, այլ և Թօփալը ներկայացրեց իրեն զանազան մուրհակներ, որոնց զօրութիւնով Մելքոնը սլարտաւօր էր վճարել Թօփալին աւելի քան 30 ոսկիի մի գումար . . .

Միայն այդ չէր Թօփալի սխրագործութիւնը. նա յաջողել էր նաև ձեռք առնել

Մելքոնի հօրեղբօր կնոջը... այդ կինը փող չուներ, բայց հին արծաթեղէններ շատ ուներ. դոքա էլ մասն Թօփալի գրպանը. հերթը Մարգարին էր հասել: Եւ ահա Թօփալը Մարգարին էլ ձեռք ձգեց և այժմ մտածում էր միւս եղբօր— Կարնայեանի վրայ . . .

Անցան ամիսներ, Մարգարը իր հողերը գրաւ դրած թափուի մէմուրի մօտ, փողերը յանձնել էր Թօփալին, իսկ ինքը ամեն օր քաշ էր գալիս քաղաքի դատարաններում և կուրութեամբ կնքում ու ստորագրում էր Թօփալի ներկայացրած թղթերը, ասում էր նրա սովորեցրած խօսքերը... որքան գլուխը տրաքացրեց մտածելով, չրկարողացաւ հասկանալ թէ ինչէր են դառնում իր շուրջը և ինքը քնչ գեր է խաղում այդ բոլորի մէջ. երբեմն լուսահատուկ էր, անիծում էր այն լուպէն երբ լսեց Թօփալին, կոտորում էր երբ տեսնում էր, որ իր ընտանիքը սկսում է քաղցած և մերկ մնալ, որդիները անխնամ և անկիրթ... Բայց Թօփալը յաճախ քաջալերում էր նրան ապագայ հարստութեան յուսով և ընկղմում էր նրան ինքնախաբէութեան մէջ . . .

Անցան ամիսներ և ահա յանկարծ լուր տարածւեցաւ քաղաքում, որ Կուռուպաշի մէլիքի գործը մի այսպիսի կերպարանափոխութեան է ենթարկուել:

Եղբայրները իրենց գիւղի ունեցածներից աւելիի տէր չեն եղել, իսկ ունեցածներն էլ ծախսել է դատարաններում: Կուռուպաշի տաւարներից երեքը ամեն օր Թօփալի դռնից դուրս գալով խառնուում էին փողոցից անցնող նախիրին: Այգիները (բանից դուրս եկաւ) պատկանում է եղել ո՛չ թէ մեռնողին, այլ մի տաճիկ բէգի, որը թափու դէլիբէսի միւղիրն էր. դատը դեռ ևս շարունակուում էր, սակայն թօփալը մեղըրը ուտելուց յետոյ, սրբել էր շըրթունքները, քաշուել մի կողմ և իրեն դիմողներին մի անգամ ընդ միշտ յայտնել, որ այլ ևս ինքը չի խառնուելու այդ գործին... — Ես ինչ որ կարող էի, արեցի, ասել էր նա — այժմ այլ ևս անկարող եմ, որովհետև մէջ տեղում կադին և միւղիրներ կան . . .

Եւ քաշուելով մի կողմ՝ գաղտագողի դէտելով սպասում էր թէ գործը ուր պիտի հասնէր և թէ ինքը այլ ևս կարո՞ղ էր մի բան

կորզել ընկած դիակից... Մեռնողի կինը պընդում էր որ այգիները իր ամուսնունն էր և ինքը մաս ունի դրանից, Մելքոն և Կարապետը դժուար էին որ գործը Պոլսի ատեաններին պիտի հասցնեն... իսկ Մարգարը . . .

Գործը Իսթինաֆի դատարանն էր հասել, սակայն սկզբից գիտէին, որ Իսթինաֆի դատարանն էլ նախնականի վճիռը պիտի տար, ուստի Մելքոնը և Կարապետը մի վանեցի վաճառականի խորհրդով, պատրաստուեցին Կ. Պոլսում մի փաստաբան վարձել, նրան վեքիլ անել և գատը ձգել բարձրագոյն Իուռը . . .

Այդ խորհրդով նրանք քաղաքում իրենց գործերը տեսնելուց յետոյ (երկու ամիս էր, որ գիւղը թողած եկել էին քաղաքում բնակուելու) մարդ ուղարկեցին իրենց գիւղը Ալուր և յայտնեցին Մարգարին, որ գտր իրենց հետ միանար.

Ահա գործերը այսպիսի դրութեան մէջ էին, երբ Ալուր գնացող մարդը քաղաք վերադարձաւ և յայտնեց երկու եղբայրներին, որ Մարգարը չէր ուզում գալ . . .

Այն ժամանակ երկու եղբայրները ձի հեծան և ճանապարհ ընկած գէպի Ալուր գիւղը:

Երբ հասան գիւղը, գիւղացիք շրջապատեցին նրանց և զանազան հարցեր տեղալ սկսեցին նրանց վրայ. դրանից յետոյ երկուսն էլ ձիւքից ցած իջան և Սարգարի առնը գնացին:

Մտան խրճիթը. այդտեղ նրանց աչքին ներկայացաւ մի այնպիսի խեղճութիւն, որ երկուսն էլ ապշեցին: Տանտիկնոջ վրայ ողջ հագուստ չէր մնացել, իսկ ինքը նիհարել և կուգայել. դետնի վրայ քաշ էին գալիս մի քանի նիհար մանուկներ և այդ բոլորի վրայ աւելացրու խրճիթի մերկութիւնը... Էլ ոչ հարուստ տան պղնձեղէնն էր մնացել, ոչ անկողնոյ առատութիւն, ոչ բանջարեղէնների, գինույ և պաշարի կարասները. միայն մի տուրակ ալիւր ցոյց էր տալիս, որ դեռ ևս փոքր ինչ ուտելու հաց գտնվում էր այդ տան մէջ . . .

— Տեսնում էք դրութիւնս, ասաց նրանց Սարգարը-հողս իսթիլալի¹ տակ է, ես մարաբայի² պէս նստել վարում եմ իմ սեփհական հողերս... առւարները ծախել թօփալ Ակօփին եմ աւել, իսկ տունս զբոււի տակ է... դեռ լսե-

1 Գրու, 2 Մշակ:

ցի որ թափու-մէմուրին, որի մօտ զբաւ է հողերս, պայմանաժամը լրանալուն պէս, զբաւելու է բոլորը . . .

— Պայմանաժամը երբ է լրանում, հարցրին վախեցած եղբայրները:

— Մի ամսից յետոյ... իմ մեղքն է, թող հողերս էլ երթայ, ուտելիք էլ չըմնայ ինձ . . . Ստաւած ինձ պատժեց իմ ագահութեան համար, ես արժանի եմ . . .

— Իսկ ընտանիքդ, գոչեց Կարապետը-ընտանիքդ ինչով է մեղաւոր, որ քեզ հետ միասին կրէ քո պատիժը,

— Իրաւունքունիս, Կարապետ, ասաց Սարգարը յուսահատաբար-հէնց իմ զխաւոր տանջանքը այդ է... տեսնում էք էլ առաջւայ Սարգարը չեմ, բայց թող տանջւեմ մինակ ես, թող հողը իմը չըլինի, բայց ընտանիքս ինչո՞ւ զրկւի, ինչո՞ւ իզուր տեղը հողը տաճիկը ուտէ, իսկ նրա փողը թօփալ Ակօն... չէ, եղբայրներ, ես վճիռս աւել եմ... զնացե՛ք շարունակէք գատը, եթէ դեռ ևս ախմախ էք մնացել, եթէ դեռ ևս չըխելօքացաք, տարէք, ձեր յետին կողէկն էլ ձգէք թօփալ Ակօների ճանկը, իսկ ինձ բաւա-

կան է, ինչ որ եղաւ... եթէ դատը շահեցի՞ք՝ բոլորը թող ձեզ հալալ լինի . . .

Այտուեղ եղայրները պատմեցին Մարգարին գատաստանական վճիռը.

—Ա՛... գոչեց Մարգարը կատաղելով— այդպէս ուրեմն, տաճիկը ուզում է մեր հոգերին բոլորովին տիրանալ և թօփալը Ակօնները նրան միջոց են տալիս, օգնում են... ես, ես կըմեռնեմ և հոգս օտարին չեմ տալ... քար կըկրեմ, շան պէս կըչարչարեմ և հոգս օտարին չեմ տալ... գիտեմ, առ ալժմ ճար չունիմ, բայց պիտի գտնեմ... պիտի կատաղեմ, յուսահատուեմ և ահա այն ժամանակ ճարը կըգըտնեմ . . .

—Ուրեմն չէս ուզում մեզ հետ ընկերանալ և դատը Կ. Պօլիս ուղարկել . . .

—Ո՛չ, ո՛չ, գոչեց Մարգարը— քամիի ետեւից էք վազում, կըհօգնէք, քաղցած կըմեռնէք, ահա ասացի, և կանցնեն տարիներ, դուք էլ իմ օրս կընկնէք և այն ժամանակ կըլիշէք թէ ինչ ասաց Մարգարը... ես ձեռք եմ քաշում այդ դատից, թողէք ինձ իմ հոգս և ընտանիքըս մտածելու . . .

Եղբայրները ելան. Մելքօնը սկսում էր զղջալ, որ ինքն էլ Մարգարի պէս Թօփալի ձեռքն է ընկել, իսկ Կարապետը դէմքը կնճրուեց և ասաց Մելքօնին.

—Մելքօն, Մարգարից էլ յոյս չըկայ. խեղճը ցաւից խենթացել է . . .

Երեք օրից յետոյ Կուռուպաշայ Մելիքի դատը գնում էր Կ. Պօլիս... գնում էր անդառնալի, գնում էր զլուխը դնելու Թամիզի դատարանի պատերից կախուած հասակէկ տուրակների վրայ և քնելու յաւիտեան . . .

Ե.

—Փախիր... ասաց նրան բարեսիրտ Սըկրտիչ աղան,— փախիր գնա՛, փող աշխատիր, չէր պարաքդ տուր և հոգերդ ազատիր, իսկ քո բացակայութեան ժամանակ քո հոգերիդ ձեռք չեն կարող տալ... փախիր . . .

Եւ Մարգարը մի գիշեր փախաւ գիւղից, Կօզլու գիւղում միացաւ Կ. Պօլիս գնացող պանդուխտների հետ ու քսաներրորդ օրը շոգենաւից ոտը կոխեց Կ. Պօլսի ավեր . . .

Ծանօթներ շատ գտաւ. իրեն պէս շահ-
նաներից, վաշխառուներից և թոփալներից փա-
խած հայ գիւղացիներ էին, որոնք օրն ի բուն
չորչարվում էին, քրտինք էին թափում, ամէն
զրկանք, ամէն նեղութիւն տանում էին, ապ-
րում էին կեղտի մէջ, ուտում էին չոր հաց,
և փող զիգում իրենց հողերը ազատելու հա-
մար . . .

Երկար տարիներ դօքա ընկած էին այն-
տեղ, երկար տանջւել էին, տաշւել-կոկւել՝ հրեշ-
ներ էին դարձել, իրենց աշխատածից ո՛չ կա-
րողացել էին մի նշանաւոր դումար գոյացնել
և ոչ իսկ լաւ ապրել:

Եւ ինչպէս գոյացնէին դումար, կամ ինչ-
պէս ապրէին լաւ: Աշխատածի կէսը ուտելիքի,
հագուստի և սենեակի էին տալիս. կարծում էք
թէ զւարճանալ գիտէն գոքա, ինչպէս զւար-
ճանալ, քնչ անել... նրանց իւրաքանչիւր զւար-
ճութիւնը անզգալապէս թիւնաւորել էր իրենց
բնաւորութիւնը... գինեւորի և բոգատների
մէջ խմել, պարել և շուայել էին, իսկ աշխա-
տանքի միւս կէսը հայրենիքում քաղցած կնոջ
և որդիներին էին ուզարկել և մնացել էին միշտ

մերկ... այդպէս էլ կրմնային նրանք, այդպէս
էլ կը ոչնչանային, այդպէս էլ կը հրէշանային...

Գնաց Մարգարը և խառնւեց այդ խմբի
մէջ, ուսը դէմ տւաւ ճոճող փայտին.— „Ես
Վարազայ ս. Նշան“ գոչեց, բեռը բարձրա-
ցրեց և թափեց դառն քրտինք . . . Կրեց,
կրեց, քրտինք թափեց, արտասուք թափեց, նի-
հարցաւ, հիւանդացաւ, ամիսներով անխնամ հի-
ւանդանոցում պառկեց, կրեց նախատինք, կրեց
բեռ. երկու անգամ էլ քիչ մնաց մեռնէր, տաս
անգամ լուսահատութիւնից կամեցաւ իրեն խեղ-
տել, հարիւր անգամ գինեւորի մէջ արտասուեց,
ցաւերը մոռանալու համար խմեց... և վերջապէս
վարժւեց այդ կեանքին, սկսեց չարչարւել փող զի-
զելու... չէ որ թափուի մէմուրը 20 ոսկի և այն
էլ տոկոսներով պիտի պահանջէր իրենից, չէ որ
ընտանիքը հաց կուզէր... Եթէ չաշխատէր, ո՞վ
կազատէր նրա հողը, ո՞վ կը կերակրէր նրա ըն-
տանիքը...

Եղաւ օր, որ նա չուզեց փող տալ հացի
և կերակրելու...

— Աստուած իմ... գոչում էր նա—այս
ուտելը չը լինի...

Եւ կերածն էր մի կտոր չոր հաց:

Մի անգամ իսկ մտքից չանցաւ անիծելու թոփալին, մի անգամ իսկ չըմտածեց, որ թոփալն էր իր թշուառութեան պատճառը:

— Իմ մեղքս, իմ սագահութիւնս էր պատճառը, ասում էր նա . . .

Աշխատում է Մարգարը, չարչարվում է մինչև այժմ, իսկ նրա պարտքը տոկոսներ է ծնում և այդ տոկոսներն՝ ուրիշ մանր տոկոսներ... բեռ է կրում, արիւն քրտինք է թափում Մարգարը, կեղտերի մէջ թաթախուած է մինչև վիզը, նիհարցել է ինչպէս կմտաք ծերացել է նա և սակայն աշխատում է, չարչարվում է, անդադար չարչարվում . . .

Չարչարուիր, աշխատիր Մարգար... ճիգ գործիր, աշխուժութիւնդ մի կորցնիլ... քեզ թոփալ Ակօն կողոպտեց, քեզ վաշխառուն բեռնաւորեց.

Չարչարուիր, աշխատիր Մարգար... հողդ մինչև երբ պիտի մնայ օտարի ձեռքում . . .

Handwritten signature in blue ink.

Վ. Ե. Ր. Զ.



10
18933

18934

18935

2013

